

Shukrani Na Sifa

Ingieni malangoni mwake kwa kushukuru; Nyuani mwake kwa kusifu; Mshukuruni, lihimidini jina lake—**Zaburi 100:4.**

Ikiwa tutaweka wakfu moyo na akili kwa ajili ya huduma ya Mungu, tukifanya kazi Aliyotuwekea ili tuifanye na tukitembea katika nyayo za Yesu, mioyo yetu itakuwa vinubi vitakatifu, kila noti yake ya msingi itatoa sifa na shukrani kwa Mwana-Kondoo aliyetumwa na Mungu ili kuichukua dhambi ya ulimwengu....

Yesu angetaka mawazo yetu yakitwe juu Yake.... Angalia mbali na nafsi ili umwone Yesu Kristo, Aliye uzima wa kila baraka, kila neema, uzima na vyote ambavyo ni vya thamani na tunu kubwa kwa wana wa Mungu....

Bwana Yesu ni nguvu na furaha yetu, bohari kuu ambayo kwayo watu wanachota nguvu katika kila hatua. Tunapojifunza habari Zake, tunapozungumza juu Yake, tunakuwa na uwezo zaidi na zaidi wa kumtazama Yeye—tunapojipatia neema Yake na kupokea baraka Anazotuzawadia, tunakuwa na kitu cha kuwasaidia wengine. Tukiwa tumejawa na shukrani, tunashiriki na wengine baraka ambazo zilitolewa bure kwetu. Hivyo tukipokea na kuwapa wengine, tunakua katika neema; na mkondo mwingi wa sifa na shukrani hutiririka daima kutoka kwenye mdomo yetu kila wakati; roho tamu ya Yesu huamsha shukrani mioyoni mwetu, na nafsi zetu huinuliwa kwa hali ya usalama. Haki ya Kristo isiyoshindwa na isiyo kikomo inakuwa haki yetu kwa imani.

Ruhusu baraka mpya za kila siku ziamshe wimbo wa sifa mioyoni mwetu kwa alama hizi za utunzaji Wake wa upendo.

Unapofungua macho yako asubuhi, mshukuru Mungu kwamba amekulinda usiku kucha. Mshukuru kwa amani Yake moyoni mwako. Asubuhi, mchana na usiku acha shukrani kama manukato mazuri zipae mbinguni....

Malaika wa Mungu, maelfu kwa maelfu, ... wanatulinda dhidi ya uovu na kurudisha nyuma nguvu za giza zinazotafuta kutuangamiza. Je, hatuna sababu ya kushukuru kila wakati, tukishukuru hata wakati yanapoonekana matatizo njiani mwetu?